

QVÆSTIO MEDICA
QVOD LIBETARIIS DISPV TATIONIBVS MANE DISCV TIENDA
IN SCHOLIS MEDICORVM, DIE IOVIS XI. DECEMBRIS.

M. FLORIMVND O LANGLOIS, Doctore Medico, Moderatore.

Estne aliqua in sanguine menstruo & semine prava qualitas?

VT aliarum animantium, sic & hominis quatuor naturæ simplices, à primis qualitatibus diversum naturæ temperamentum, in jecore ac venis ab uno eodémque calore unà productæ, sanitatis simul ac morborum opifices, quatuor genitalia mundi corpora (quibus invicem mixtis cætera componuntur & vigent) æmulantur propiùs; ignis quippe bilis, aquæ pituita, melancholia terræ, ut sanguis aëris conditiones induit, in eaque tandem & hic & illi humores fato subeunte recurrunt.

AC ut illa simplicia corpora suas causas & principia omnium prima sortita sunt, materiam & formam: ita & ipsi humores sedibus suis contenti, ibidémque naturali calore ac spiritu perfusi, semen ac sanguinem lunarem pro suis agnoscunt: ac semen in primis, quod uterque sexus confert in symbolum, ut fons est originis nostræ proximus (cui cæperutile tamen excrementum tertiæ coctionis projicitur.

LVNARIS ille sanguis, ex quo fictus accrescit fœtus in locis muliebribus, cunctis viviparis communis, jecoris potiùs & secundæ in ipso quàm tertiæ coctionis opus, mulieribus (quæ ob parciorem triplicis substantiæ jacturam, quam molitur calor ipse natus, victum largiorem, & otiosius vitæ genus, frigidiores sunt) uberior quàm reliquis fœminis, sed qui tamen, præter naturam si morari contingat, leuius quàm semen detrimentum producit, corpori nihil utilis statis diebus solet excidere ac eliminari oportunè.

MATVRIS & pubescentibus annis, quo tempore magna evenit corpori mutatio, calore vegetiore factò, hic sanguis quasi furenter atque turbatè catullit in venis atque diffunditur, iisque tandem amplitudine suâ differtis vix ac ne vix quidem refrænari valet. Hinc puellis per ductus exiguos in uterum quâ viam affectat, & statis certisque temporibus foras erumpit, mactatorum animalium haud absimilis rubeus & floridus.

EX præscripto naturæ prudentis & eruditæ, *ἀναδενει* sic licet illa *ἐκδιδανται*, singulis mensibus is humor, à quo partes carnosæ fœtus materiam & formam accipiunt, & quo semen quasi pabulo fruitur, non certè ab illo, ubi nascendi initia sumimus, loco emanans, quemadmodum nec saccarus humor à vesicâ, neque alui dejectio ab intestinis, sed illuc aliunde demittitur, neque alterius naturâ suâ conditionis est haberi que debet is sanguis, ac ille quem sibi servat corpus & ad sui nutritionem impendit.

Ergo non est aliqua in sanguine menstruo & semine prava qualitas.

DOMINI DOCTORES DISPV TATV RI.

M. Ioannes Grou.
M. Antonius Ruffin.
M. Petrus Pourret.

M. Antonius de Caën.
M. Carolus de Laval.
M. Dionysius Dodart.

M. Jacobus Mentel.
M. Nicolaus Matthieu.
M. Petrus Hommets.

Proponebat Lutetiæ PHILIPPVS MATHON Abbavillæus, Fidelissimæ Nationis Procurator.
A. R. S. H. M. DC. LXIV.